



19 MAR, 2026

TNB siap siaga, bekalan elektrik stabil pada Aidilfitri



Kosmo, Malaysia

TNB siap siaga, bekalan elektrik stabil pada Aidilfitri

PETALING JAYA – Tenaga Nasional Berhad (TNB) telah menggerakkan pelan kesiapsiagaan operasi termasuk melaksanakan beberapa projek naik taraf sistem rangkaian bekalan elektrik di seluruh negara.

Ia termasuk memantau sistem rangkaian serta aset kritikal secara berterusan bagi memastikan bekalan elektrik stabil sepanjang sambutan Aidilfitri.

Antara langkah utama TNB ialah menugaskan lebih 11,000 anggota kerjanya untuk bersiap siaga 24 jam sehari secara bergilir, yang bermula pada tiga hari sebelum Syawal.

Menurut Ketua Pegawai Kanan Rangkaian TNB, Mahathir Nor Ismail, pasukan teknikal TNB akan memantau rapi keadaan sistem sepanjang musim perayaan dan bersedia mengambil tindakan segera bagi memulihkan bekalan sekiranya berlaku gangguan.



LEBIH 11,000 petugas TNB bersiap siaga sepanjang Aidilfitri bagi memastikan bekalan elektrik stabil.

“Komitmen ini penting bagi memastikan rakyat dapat membuat persediaan dan seterusnya menyambut Aidilfitri dengan penuh ceria lagi selesa bersama keluarga tersayang.”

“Komitmen ini penting bagi memastikan rakyat dapat membuat persediaan dan seterusnya menyambut Aidilfitri dengan penuh ceria lagi selesa bersama keluarga tersayang,” katanya dalam kenyataan semalam.

Bagi memastikan pelanggan terus menerima bantuan dan

sokongan diperlukan sepanjang musim perayaan, TNB turut menugaskan anggota kerjanya di CareLine untuk bertugas secara giliran 24 jam sehari bagi mengendalikan talian perkhidmatan pelanggan, serta platform media sosial seperti Facebook TNB CareLine dan X @Tenaga_Nasional.

Selain itu, ia turut menempatkan 136 janakuasa bergerak di lokasi strategik, serta menyediakan 379 kenderaan sokongan termasuk kren auger, tower wagon, skylift dan lori penyelenggaraan sebagai langkah kontingensi jika berlaku gangguan bekalan elektrik.

Sebagai langkah mitigasi tambahan, TNB melaksanakan tindakan mengimbangi beban, meningkatkan kapasiti transformer serta menambah baik rangkaian bagi memastikan sistem pengagihan elektrik kekal stabil sepanjang musim perayaan.